



Tri mjeseca nakon akcije Marker 4

PETORKA OPTUŽENA ZA ŠVERC ORUŽJA, MUNICIJE I DROGE

Specijalno tužilaštvo RS-a podiglo je optužnicu protiv Milorada Gligorevića (47) i Dragana Okolića (47) iz Modriče, Davorina Maksimovića (34) iz Bosanskog Šamca, Bogdana Đukića (51) iz Doboja i Željka Đakovića (41) iz Kostajnice koja ih tereti da su zajedno sa Draženom Zoranovićem iz Bosanskog Šamca, koji je u bjekstvu, bili pripadnici grupe koja je nabavljala i prodavala oružje, municiju, eksploziv i drogu.

Ova grupa djelovala je toku 2014. i 2015. godine na široj teritoriji

RS-a, odnosno na području Modriče, Bosanskog Šamca, Kostajnice, Prijedora i Bosanske Gradiške.

Pripadnici Agencije za istrage i zaštitu BiH 10. februara su u akciji Marker 4 uhapsili Gligorevića, Đukića, Maksimovića, Okolića i Đakovića, nakon čega su pretrčeni objekti na sedam lokacija na području Modriče, Bosanskog Šamca, Kostajnice, Prijedora i Bosanske Gradiške. Tom prilikom policija je oduzela oko 15 ki-

lograma eksploziva, tri puške, poluautomatsku pušku, osam lovačkih pušaka, četiri pištolja, kao i veću količinu municije, tromblonske mine, ručnu bombu, kumulativnu raketu, 12 detonatorskih kapisli i oko četiri kilograma marihuane.

Policija je do ove grupe došla preko informanta koji je od njih kupovao oružje i drogu i tako razotkrio cijelu grupu i omogućio njihovo hapšenje. **D. P.**



Sa privođenja osumnjičenih u februaru ove godine